

եւ եղեւ կինն Հասանին՝ քեհեայի նորին: Յայնժամ սպասաւորաց և փոքունցն յորժամ տեսին ի դրունան քաղաքին և ի գլուխ պարսպացն, բողոք բառնային բառաչմամբ մեծաւ, մինչև լսել բանակին. և զի^օ արացեն՝ որ էր դրունքն փակեալ, և անդ զսպասաւորսն ևս կալեալ՝ հասեալ սպանին: Եւ վաղվաղակի զգլուխս մեծամեծացն լցեալ խոտովք առաքեցին յայս կոյս, գրեալ ի վերայ թղթի ի ճակատ մորթոցն անուանք նոցին, որ ի վերոյ բանիս յիշեցաւ, զարմանալի տեսողաց և զեղեալս լսողաց:

Եւ յետ 2 աւուր (23 Փետր. Դշ) մատնեցին Հոռոմք ի ձեռն հայոյ միոյ կաշառօք. նաեւ ի միաբանիցն Երուսաղէմացոց զրդեալ եղեն Հոռոմք, եւ ետ հայն արզհալ ի ծածուկս: Եւ լուեալ վէզիրին առաքէ հրաման առ Մուհամէտ աղայ որ քեհեահէրի՝ թէ Կայ ի քեզ այր մի պահեալ որ սեւագլուխ է և վէքիլ Երուսաղէմի, ըմբռնեալ առ մեզ առաքեսցես թարց պատճառաց: Եւ գնացեալ ընկերք մունղուր աղային եւ մտեալ թէպտիլ ի պաղչան յորում նստեալ կայր Վարդապետն, եւ ըմբռնեցին բերին առ վէզիրն: Եւ տանէր առաջի իւր եւ հարցանէր. Դո՞ւ ևս պատրիկն Երուսաղէմի, զի՞նչ էառ որդին Թայարի ի քէն. եւ նա ասէ. Զինչ և ունէի էառ: Եւ կրկնեալ թէ Զի՞նչ էառ. և նա՝ Զմի անողորմ ի վերայ իմ յարուցեր, զամենայն ինչ ունէի՝ էառ և զվանքն իմ ետ այլոց, եւ կալաւ զիս ընդ իւր ի կապանս թէ Երթամ առ կայսր եւ յայնժամ տաց զվանքն քո ի քեզ. եւ ետ տեսի զվատաբախտութիւն նորա և զապստամբութիւն առ արքայ, և երկեայ և ելեալ փախեայ և առ թևս օճախին բնակեալ: Եւ վէզիրն ասէ. Դու տվեր և նայ էառ: Եւ նա ասէ. Ո՛վ տէր, զի տէր էր երկրին այնմ և զիա՛րզ գիմանայի նմա: Եւ ասէ վէզիրն. Երկրով